

Was in diesen Büchern zu befinden

- I - wie drüber zu sehen erstlichen
- 2 - Eine trost schrift M. Casparum a ...
Superintendenten zu Salsfeldt zu
zu Sachsen Rathog Johann Frindwisch
- 3 - M. Casparus aquila Bischoff zu Salsfeldt
Nötige vor ant fortung wider die
Spöttischen Lügen M. eschebium Agricola
- 4 - Eine vorwarnung an oben gedachten Fürstlichen
Fürst M. Mathiam Flacium Illyricum
geborenen Luff zu Wittenburg
- 5 - Eine gumpis protestation und klage schrift wid
das Interim durch Johann Warendunck
- 6 - der geistlichen zu Magdeburg
- 7 - Eine sprachliche historia von einem in
württemberg wohnen gesungem was die
zu den künigen
- 8 - Bekentnis und erklerung des Interim durch
die Superintendenten der teile und pastoren der stede
Lübeck Hamburg Lüneburg
- 9 - Der goldsüßigen künigen der künigen durch
"faltigkeit und duntung"
- 10 - widerlegung ethlicher predigten von dem allern
küniglichen antichristlichen missa des fremden
Bischoff von Sion Mentzen Wilschhoff
durch Mathiam Flacium Illyricum
- ii - Bekentnis unterrichtet und vermanung
der psalm durch und predigen zu
Magdeburg



k) 10

Der Goldseligen Blumen der Treis
feltigkepe bedeutung / Nützlich zulesen /
Gott dem Herrn zu ehren.



D. Erasm.

Alberus.





Der Edeln vnd Wolgeborenen Gressin
vnd Frawen / Fraw Anna / Geborne vonn Don-
steyn / Gressin vnd Frawen zu Mansfelt/
meiner Gnedigen Frawen.

Algeborne/Gnedige Fraw / An alle wer-
cken Gottes spüret man seine vnaus-
sprechliche güte/Wie hertzlich gern wolt
der liebe Gott alle Menschen selig haben/
Vnd ist doch jha gar sein wille nicht/
das yemandt verlorn werde / Wie S.
Paulus sagt 1. Timo. 2. Gott wil das allen Mensch-
en geholffen werde/Vnd zur erkendtnis der warheyt
kummen.

Dann vnser Herr Gott offenbaret sich vns nicht
allein durch sein heyliges Wordt / Sonder auch durch
seine Creaturen/ so wir teglich für vns sehen/Vnd ym-
merdar brauchen vnd gemessen.

Der weyse König Salomon hatte aus den Crea-
turen einen hohen verstand vonn Gott gefasset / Wie
man noch sibet inn seinen Sprüchen / Vnd im ersten
Buch der Könige am vierdten Capitel stehet also ge-
schrieben/Salomon redet drey tausent Sprüche / Vnd
seiner lieder waren tausent vnd fünffe/ Vnd er redet
vonn Bäumen / Vonn Ceder an zu Libanon / bis an
den Isop der auß der wandt wechset / Auch redet er
von rihe/Von Vögeln / Von gewürme vnd Fischen/
Dann derselben natur vnd kreffte hat er mit Gottes
Reich vnd andern nützlichen dingen können vergley-
chen/Wie seine Sprüche noch zeügen.

A ij

Der

Der liebe Elias von Mansfeld/nemlich D. Mar-
tinus / der treffliche Propbet / pflegt auch Gott den
Herrn in seynen Creaturen vnd wercken zusuchen. Vnd
fandte viel schöner bedeutung vnd gleichnisse. Die ganz-
tze Werlige Schrift leret vns Gott bey seinen wercken
erkennen. Darumb sie auch so voller Gleichnis ist, vnd
vnser Herr Christus hat sein Euangeliū durch gleich-
nisse geleret. Der hohe Artikel. Von der Todten vffers-
tehung/ ist vns in vielen Creaturen fürgebildet.

So hat vns Gott sein grosse liebe gegen vns/nicht
allein in vnsern Eltern /sonder auch in den vnuernünfft-
igen Thiern fürgemalt.

Vnsers Herr Christi Blutuergiessen ist vnns im
Pellican fürgeschrieben. Das ist ein vogel in Egypten/
dem sind die Schlangen feind. Wann nun der Pellican
ausfleugt. Kümnen die Schlangen vnd erwürgen ihm
seine Jungen. Wann der Pellican wider kumpt. Vnd
sind seine Jungen tot. tregt er leyd vber ihnen bis an
dritten tag. Als dann picket er ihm selbst ein loch in die
brust / das das blut heraus sprützt. damit besprenge
vnd begeust er seine Jungen / so werden sie widder le-
bendig.

Ist das nicht ein schön bilde der liebe vnser Herr
Christi gegen vnns / Die wir durch die Deltische
Schlangen erwürget sind.

Es haben auch etliche Fürsten ein Pellican in irem
Waffen. zu bedeuten die grosse liebe gegen ihren vnter-
sassen. darumb auch Herrn vnd Fürsten vom altes
her. Vatter des Vaterlands genennet werden. Aber ytz
halten sich etliche also. dz sie verkehrer des Vaterlands
genennet

genennet vnd für Gott verflagt werden / Dann es ist
an der welt ende / da die vngerechtigkeyt vberhand
nimpt / vnd die liebe erkalt vnd keyn Glaub mehr ist /
Matth. 24. Luce 18. Daniel 8.

Es sind feine vnd Gott wolgefellige gedanken / wann
man vnsern Herrn Gott also inn den Creaturen sucht
vnd preysset / Darumb auch der Propheet vnd König
David / als er im neunzehenden Psalm vnsern Herrn
Christum / mit der Sonnen / vnd die Apostel mit den
hymeln verglychen / vnd das Euangelium der behrli-
gkeyt Gottes hoch gepreyset hat / bittet er am ende dessel-
ben Psalmen vnsern Herrn Gott / er wolt ihm solche
rede seines mundes vnd das gesproche seines hertzen
lassen wolgefeln. Des gleichen / als er im 104. Psalm /
Gott vmb seine manchfeltige wercke vnd Creaturen ge-
preyset hatte / spricht er am ende des Psalmen / Ich
will dem Herrn singen mein lebenlang / vnd meinen
Gott loben so lang ich bin / Meine rede müsse ihm wol-
gefeln / Ich frewe mich des Herrn / Als wolt der Prop-
heet sagen / Du zweyffel gefeln dir solche rede vnd ge-
danken wol.

Vnser Herr Gott preysset das Ehlliche leben / als sein
geschöpff / inn vielen Creaturen / welchs den Babst / als
einen Ehefeindt vnd Ehschender wol verdriessen mag.

Unter den beäumen vnd Kreüter n sind Wenlin vnd
Frewlin / vnd wann sie beyeinander stehn / so wachsen
sie deßer lieber / damit vnser Herr Got die Ehlliche lie-
be bestetiget / Darumb er auch seinem eingeborne Son
vnserm lieben Herrn Christo / ein Ehllich Gemahl / das
ist / seine liebe Christenheit / gegeben / welche auch der
Herr mit seinem Blut von sünden gewaschen vnd ge-
reyniget hat / Eph. 5.

Himmel vnd erden sind auch
A iij durch

durch Gott in die eh zusammen gegeben/ Vnd die erde ist
des himels Ehemal vnd wirt vom himel schwanger
vnd fruchtbar.

Da S. Paulus zu Athen das Euangelium prediget/
leret er auch/ das man Gott in den Creaturē suchen sol/
Vnd spricht/ Gott sey nit fern vom eym ytlichen vnter
vns/ Acto. 17.

Vnd in der Epistel an die Römer schreibt er / Wie
Gott die ihenen gewlich strafft/ so in bei seinen Creatur
ren vnd wercken nicht erkennen/ Roma. 1.

So oft wir ein creatur brauchen / welehs wir on
vnterlas thun/ so sollen wir vnserm Herrn Gott dabey
danken/ Wann einer seine hende waschet / so sol er Gott
vmb dasselbe wasser danken/ Könen wir doch des was
fers nicht ein tag emperen / Die Menschen die sich also
gewohnen/ Gott vmb seine Creaturen zu danken / vnd
zu loben/ vnd sich vber seine mancherley wercke zu ver
wundern / die werden ye lenger ye frümer / vnd hüten
sich für sünden/ vnd dz sind die rechte Kinder Gottes/
Dagegen zürnet der Prophet David sehr vber die / so
Gott an seinen wercken nit erkennen noch im darumb
danken/ sonder in noch darzu lestern / Psal. 139. Ach
Gott/ das du tödtest die Gottlosen etc. Des gleichen
steht im 104. Psalm/ Der sündler mus ein ende werdē/
die nit ein mal sprechen/ last vns doch den Herrn vn
sern Gott fürchten / der vns früregen vnd spatregen zu
rechter zeyt gibt/ vnd vns die erndte trewlich vnd ierlich
behüt / Jere. 5.

Welliche Herrn haben nit mit yederman Gemeynes
schafft/

Schaffe/vnd machen nit mit yederman Eundschafft / ed
gepürt sich auch nit/vff das sie nit veracht werdē/ Wie
man spricht / *Nimia familiaritas facit contemptum* /
Wer sich all zu gemein macht / der wüdt dadurch ver
acht/ Aber vnser Herr Got als des Reich nit von dieser
welt ist/ fragt nichts nach diesem Sprichwort / Wole
gern yedermans Eundschafft vnnnd mit yederman ges
meinschafft haben/ drumb offenbaret er sich den Mens
schen beyde inn seinem Wordt vnd Creaturen / vnnnd
gesellet sich zu yederman / Vnd ob er wol vom mehrer
teyl der Menschen veracht wirdt / noch kan er seine
weyse nicht lassen/ feret ymmer fort freündlich zu sein/
vnnnd seine güte wehret ewiglich / lest seine Sonne
scheinen vber bößs vnd gut etc.

Vnd wie gern vnser Herr Gott bey den Mensch
en sei/ das sihet man wol an seinem eyngebornen Son
vnserm Herrn Ihesu Christo / Als der selb vff erden
gieng/ hatte er für keynem Menschen ein abschewens/
war gern bei yederman / das er auch von den Priestern
vnd Schrifftgelerten drumb veracht ward/ vnnnd hielt
sich viel mehr zu den armen/ geringen / Törichten / ges
brechlichen/ Krancken/vnd elenden / dann zu den Reichs
en/ hochgeachten/ weysen/ starcken/vnd gesunden / halff
yederman gern/ Wer nun seiner hülff begert / der ward
seiner bitte gewert/ Darumb er von S. Paulo Philan
thropos/ das ist/ Menschen lieber Menschen freünd get
nennet wirt/ Vnd im achten Capitel der Sprüche Sal
omo/ spricht Gottes weysheyt / das ist / vnser Herr
Christus/ ehe danu er Mensch geborn ist/ Mein lust ist
bei den Menschen Kindern.

Vnd im 5. Buch Mosi am 33. Cap. steht auch von ihm
2 iij Dis

dis schöne sprächlin / Wie hat er die leute so lieb / So
lieb hatte Gottes Sohn die Menschen / das er selbst
Mensch ward / Et verbum caro factum est.

So lieb hat Gottes Son die Menschen / das er
vmb ihret willen vnaussprechliche marter / vnd veracht
ung leidet / vnd sein leben für sie in den todt gibt.

So sehr demütiget sich Gottes Son / das er sich
yedermans Bruder nennet / er sei wer er wolle / wann
er nur seine liebe / freundschaft vnd Bräderschaft
begert / vnd schencket ihm das ewige leben / Psalm
22. Johannis 20. Vnd alles was zu ihm kumpt /
das stößt er nicht hinaufs / Johannis 6. Er bittet
yederman zu gast / kumpt (spricht er) es ist alles bereit /
kumpt alle zu mir / die ihr mühselig vnd beschwerdt
seyd / Ich will euch erquicken / Matthei 11. Vnd zür
net mit denen / so nicht kummen vnd seiner hülff
begern.

Er will das Gott nicht allein sein Vater / sonder
auch vnser Vater sei / vnd macht vns teylhafftig aller
vetterlichen gütter / Vnd nötiget vnns noch zu solchen
vnuergenglichen erbgütern / also / das wer sein Bruder
vnd miterbe nicht sein will / derselb in Gottes ewigen
vngnaden bleiben soll / Luce 14.

Weyl dann vnser Herr Gott so 'gern bei vnns
ist / Vnd wolt gern von yederman erkandt sein / vnd
offenbaret sich vnns nicht allein durch sein Deyliges
Wort / sonder lest vnns auch seine gegenwertigkeit spü
ren in seinen Creaturen / vñ bildet sich vnns in denselben
für / vnd wil von vnns gesucht / erkand / geehret / gepreiset /
vnd gerühmet sein / vñ hat so ein gros gefalē an seinen
wercken

wercken vnd Creaturn Genesis 1. Psalm 104. Die er
auch sampt vns seinen Kindern / am Jüngsten tage er-
newen wil / Roma. 8. Apoca. 21. So habe ich vnter an-
dern Gottes Creaturen vnd wercken / auch diese lieb-
liche Blumen die man recht nennet die Dreifeltigkeit /
offt mit lust vnd liebe vnd verwunderung angesehen / vñ
seiner bedeutung nach gedacht / bis ich sie funden habe.

So bedeuten nun die drei bletter / so aneinander sehn /
Gott den Vater / Gott den Son / Vnd Gott den heylig-
en Geist / vnd wie die Bletter aneinander sehn / gleich
als weren sie ein Corpus / vnd ist doch Dreifeltig / also
sind in der einigen Gottheit vnd in dem eynigen Gött-
lichen wesen / drei vnterschiedliche personen.

Die Gold oder Sonne farb mitten zwischen den dreys-
en Blettern / die sich mit iren schönen glentzen / inn alle
drey Bletter außgeußt / bedeut die Gottheit / so den
dreyen Personen gemein ist.

Was bedeuten aber die zwey neben Bletlin / so hart vnt-
ten an den dreien Blettern hangen / Sie bedeuten die
zwo Gemeinde Gottes / die in sein ewiges reich gehöret
bei welchen er sein will / vnd sie bei jm / nemlich die Ge-
meine der Engel / Vnd die Gemeinde der menschen / Dañ
diese zwo Gemeinde hat Got für allen creaturen erwelet /
das sie ihn erkennen / preisen / predigen / rhümen vnd
loben sollen in ewigkelt. Johan. 14. Vff das ihr seid
wo ich bin.

Es haben auch die zwey Bletter fast eynereley farb mit
den dreien Blettern / nemlich braun oder weys / Dann
Gott bekleidet diese zwo Gemeinde mit seiner farb / das
ist / mit seiner hehrligkelt / Wie S. Joha. sagt 1. Joh. 3.
A v Weine

Meine lieben/Wir sind nu Gottes Kinder/vnd ist noch
nicht erschienen was wir sein werden/wir wissen aber/
wann es erscheinen wirt/das wir in gleich sein werden/
Dann wir werden in sehen wie er ist/ Vnd ein yglicher
der solche hoffnung hat zu ihm/der reyniget sich/wie er
auch reyn ist/dz ist/Wie S. Paulus sagt Roma. 6. Er
wandelt in ein neuen leben/Des gleichen spricht vnser
Herr Christus Math. 13. Die gerechten werden leuch-
ten wie die Sonnen in jres Vaters reich/Vnd 2. Pet. 1.
spricht/Wir werden teylhafftig der Göttlichen natur.

Dis sind meine gedanken von diesem schönen holdseli-
gen Blümlin/damit ich mich danckbar erzeyge gegen
vnsern Herrn Gott/für seine vnaussprechliche gnade/
dadurch er vns in sein ewiges reich beruffen/vnd seinen
Engeln gleich gemacht hat.

Wil auch hiemit andern vrsach gegeben haben/ Gott
in seinen Creaturen zusuchen vnd zuerkennen/ bis das
wir ein mal in ihenem leben zusamen kummen/ Da wer-
den wir alles viel basse verstehn/ vnd vns vber alle Gott-
tes gaben vnd wercken ewiglich verwundern vnd freu-
en/vnd vnsern Herrn Gott vmb alle seine hehrliche
wolthaten loben in ewigkelt / Des helff vns Gott der
Vater/Gott der Son/Gott der heylige Geyst/der eyni-
ge/ware/ewige Got/die Göttliche Treifaltigkeit/Amen.

Was aber dis Kraut für tugende habe/ findet man im
Herbarijs/ Jungen Kindern die grosse hitz vnd bauch/
wehe haben/sol man es zutrinken geben / reümet auch
die brust/vertreibt lungen vnd hals geschwer/Es wer-
den auch diesem kraut viel namen gegeben /Es wirt
genennet Freiffam Treifaltigkeit / herba Trinitatis/
Kraut der Treifaltigkeit/Vff Griechisch heyst es /Dio-
santhos

Santhos/das ist/Gut blum/Göttlich blum/Edelblum/
Gottesblum/Flos Jouis/Flammea/Flamma Jouis/
Göttlicher glantz/Wirt auch genennet Sarrana/das
ist/Braun/Purpurfarb/Item Tustula marina/Jacea/
Jasmi/Albeser/Die zaine Treifeltigkeyt heyst vff
Griechisch Phlogeos oder Phlogeon/das ist/Flam-
meus/Lucidus/rubens/liecht/hell/rot/vmb des hellen
glantz willen/Die wilde Treifeltigkeyt heyst Phlox/
das ist/ein Flain.

So habe ich nun/Gnedige Fraw/diss Bächlin L. G.
zugeschrieben/vmb der liebe willen/so L. G. zu vnserm
Herrn Gott hat/welche auß dem Glauben/als ein
rechtschaffene Christliche tugendt fleißt/daber auch
L. G. in ihrem elende gedültig vnd getrost ist/vnd
nicht zweyffelt/sölche Trübsat werde ein frölich ende
haben/Wie vnns vnser Herr Christus zugesagt hat/
Vnd S. Paulus spricht/Wir wissen/das denen/die
Gott lieben/alle dinge zum besten dienen Ro. 8.

Dem Gott/der im Wesen eynfeltig/vnd in Personen
Treifeltig ist/der einfeltigen Treifeltigkeyt/vns in dies-
sem einfeltigen Blümlin fürgemalet/sei lob vnd danck/
eh: vnd preys in ewigkeyt/Demselben sei L. G. sampt
ewerm lieben Herrn vnd Kindern/meinen Gnedigen
Herrn vnd Frewlin/in ewigkeyt befolen/Amen.

L. G.

Untertentiger

Erasmus Alberus.

Stigelius.

Praesentemque refert quaelibet herba Deum,
Alberus.

An allen Kreutern spürt man fein
Das Gott mus gegenwertig sein
Gott lest in allen Kreutern sich
Frei sehn vnd mercken öffentlich.

Anno 1550.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.



14
A. O. O. O.

Dem

IV



~~Handwritten scribble~~

Handwritten signature or name

Handwritten word

Handwritten word

Handwritten word

Handwritten word

Large handwritten scribble

Handwritten word

Handwritten signature or name



Die Litteratur des Mittelalters
1. 5. 7. 2

5


10


m) Aug VI 1999

56 Z

ULB Halle
003 894 274





k) 10

Der Goldseligen Blummen der Treis
feltigkepe bedeutung / Nützlich zulesen /
Gott dem Herrn zu ehren.



S. Erasm.  Alberus.

